

瓊山縣志卷之二十九

雜志志 一事紀 隋以上詳府志

唐

辛卯 太宗貞觀五年置瓊州 郝通志

丁卯 高宗乾封二年嶺南洞獠陷瓊州 阮通志

乙酉 武氏光宅二年流鳳閣侍郎胡元範於瓊州流

夏州都督王方翼於崖州 黃通志

丙午 中宗神龍二年秋八月長流敬暉於瓊州

武三思復用事使鄭愔告敬暉等與王同皎通謀貶暉崖州司馬三思請族誅之上可其奏大理丞李朝隱奏稱暉等未可遽就誅夷乃長流

瓊山縣志 卷二十九

雜志一事紀

暉於瓊州 黃通志

乙酉 順宗永貞元年貶韋執誼為崖州司戶 初執

誼常忌諱不欲人言嶺南州縣召為郎官時嘗詣職方觀圖每至嶺南遽令去之及拜相還所坐堂見北壁有圖不就省七八日試觀之崖州圖也以為不祥甚惡之及坐王叔文之貶果往

崖州卒於貶所 黃通志

己亥 憲宗元和十四年冬十月以楊清為瓊州刺史

容管奏安南賊楊清陷都護府殺都護李古及妻子官屬部曲千餘人 黃通志

庚子 十五年春正月貶皇甫鏗為崖州司戶市井皆



相賀是年十月嶺南奏鑄死黃通志

辛穆宗長慶元年封憲宗第二十五子悅為瓊王

阮通志 封建表

癸卯三年正月嗣郢王佐宜於崖州安置坐妄傳禁

中語也阮通志

甲辰四年冬十月以崖州安置人嗣郢王佐為穎王

府長史分司東都仍賜金紫黃通志

戊辰宣宗大中二年冬貶李德裕為崖州司戶舊唐書本

傳

甲申懿宗咸通五年命辛傳李趙四將部兵擒黎洞

蔣璘省於瓊山南境置忠州即今定安西南鎮

瓊山縣志 卷二十九

雜志事紀 二

洞中阮通志

戊子九年秋八月貶比部郎中楊知至為瓊州司馬

黃通志

甲寅昭宗乾寧元年冬十月貶水部郎中劉宗魯為

崖州司戶黃通志

紀光化二年封昭宗子祥為瓊王阮通志 封建表

五代漢

癸亥劉賬大寶六年是時賦歛煩重米斗稅五錢阮通志

志

宋

壬申太祖開寶五年廢崖州以其地并屬瓊州而改

振州為崖州初通志

寅戊太宗太平興國三年正月知廣州李符獻海外

諸域圖阮通志

午壬七年夏四月流兵部尚書盧多遜於崖州黃通志

秋八月颶風壞城門州署民舍殆盡同上

卯癸真宗咸平六年五月知廣州凌策上海外諸番

地理圖同上

戌壬仁宗乾興元年秋七月貶丁謂為崖州司戶參

軍黃通志

卯丁天聖五年三月罷瓊州貢瑋瑁簾皮紫貝阮通志

辰丙神宗熙寧九年七月珠崖軍黎賊黃嬰寇詔廣

瓊山縣志卷二十九

雜志一專紀

三

南西路嚴兵備之阮通志

荷花六出

己未元豐二年七月甘露降黃通志

戊壬五年八月颶風毀廬舍宋史五行志

封宗室趙仲偶為瓊王阮通志封建表

辰戊哲宗元祐三年正月詔廣南西路珠崖軍開示

恩信許生黎悔過自新阮通志

丑丁紹聖四年二月甲辰蘇軾責授瓊州別駕移昌

化軍安置宋史哲宗紀

亥丁徽宗大觀元年十月辛未置鎮州為靖海軍節

度宋史徽宗紀

辛卯 政和元年十二月辛亥廢鎮州升瓊州為靖海軍同上

壬子 紹興二年知瓊州黃揆言今中外姦民以罪抵死而獲貸者必盡投之海外以為兵是聚千百虎狼而共置之一邱也一旦稔惡積釁潰裂四出臣恐偏州之民項背不能帖席而卧也請自今凡兇惡貸死而隸於流籍者許分之沿江諸屯及他遠惡之地無專指海外以為兇藪庶幾陰消潛制不至流毒偏方從之阮通志

辛酉 十一年冬李光賁投建寧軍節度副使瓊州安置宋史本傳

瓊山縣志 卷二十九

雜誌一事紀

四

庚辰 三十年冬十一月編管王權於瓊州黃通志

辛卯 孝宗乾道七年閩人有浮海之吉陽軍者風泊其舟抵占城其國方與占臘戰皆乘大象勝負不能決閩人教其王當習騎射以勝之王大悅具舟送之吉陽市得馬數十匹戰大捷明年復來瓊州拒之憤怒大掠而歸阮通志

庚申 寧宗慶元六年瓊州訛言妖星流墮民郭七家聲如雷通判曾丰暨瓊山縣令移文驚擾後皆坐黜阮通志

辛酉 七年八月颶風毀城門公署民舍殆盡蕭志
癸酉 嘉定六年冬十二月蠲丁鹽錢黃通志

丙子九年詔以宜人王氏女吳氏襲封統領三十六

崙宋史黎崙

崔與之為廣西提點刑獄浮海巡珠崖秋毫無擾州縣停車裁決獎廉劾貪風采凜然瓊之人叙其事為海上澄清錄阮通志

辛卯理宗紹定四年黎賊王居起僭號南王復大八

寇蕭志

戊寅衛王祥興元年七月趙與珞與謝明謝富守瓊

州元將阿爾哈雅遣馬成旺招之與珞率兵拒

於白沙口阮通志

十一月瓊州民執安撫使趙與珞及冉安國黃

瓊山縣志卷三十九

雜志一事紀

五

之傑謝明謝富降於元謾罵不屈元將怒皆裂

殺之阮通志

元

己卯世祖至元十六年五月潭州行省上言瓊州宣

慰馬旺已招降海外四州尋有土寇黃威遠等

四人為亂今已擒獲詔置之極刑元史世祖紀

朱國寶為海南四州宣慰使更弊政訓兵息民

臨高黎人李實為亂討平之黎人降者三千戶

巒洞降者三十所阮通志

戊子二十五年濶里吉思討海南生黎諸洞寨明年

平之阮通志

丙申成宗元貞二年六月海南饑發粟賑之成宗紀

九月詔以兩廣海外四州城池戍兵歲一更代往來勞苦給俸錢選良醫往治其疾病者命三

二年一更代之元史兵志

戊戌大德二年五月罷海南黎兵萬戶府及黎蠻屯

田萬戶府以其事入瓊州路軍民安撫司成宗紀

乙巳九年淋雨不息是年寇盜充斥六月以瓊州屢

經叛寇給糧一月同上

壬子仁宗皇慶元年九月瓊州黎賊嘯聚遣官招諭

仁宗紀

辛酉英宗至治元年五月遷武宗子圖卜特穆爾於

瓊山縣志卷三十九

雜志二事紀 六

瓊州通鑑輯覽

甲子泰定元年正月召親王圖卜特穆爾於瓊州泰定

帝紀

是年饑舊志

乙丑二年八月饑賑糧一月九月諸路饑賑糧鈔有

差泰定帝紀

戊辰文宗天歷元年十一月帝謂中書省臣曰朕在

瓊州建康時撒迪皆從備極艱苦其賜鹽引六

萬俾規利以贍其家文宗紀

己巳二年三月改潛邸所幸瓊州曰乾寧八月流諸

王忽刺出海南十月改瓊州軍民安撫司為乾

寧軍民安撫司同上

生黎王高等二十餘崗皆願輸貢阮通志

庚午至順元年正月賜海南海大龍興普明寺鈔萬錠

市承業地文宗紀

黎賊王官福寇乾寧阮通志

辛未二年黎賊作亂詔江西湖廣兩省合兵討之九月

海南賊王周糾率十九崗黎蠻二萬餘人作

亂命調廣東福建兵隸湖廣行省左丞移刺四

奴統領討捕之十一月隆祥司使晃忽兒不花

言海南所建大龍興普明寺工費浩穰黎人不

勝其擾以故為亂詔湖廣行省臣瑛珞不花及

瓊山縣志卷二十九雜志一 事紀 七

宣慰宣撫二司領其役仍命廉訪司蒞之文宗紀

甲戌順帝元統二年十月改乾寧軍民安撫司曰乾

寧安撫司順帝紀

丙午至正二十六年五原都人張賢等斬賊首裴元

貴遂復郡城賈志

戊申二十八年七月海南海北諸郡皆降於明順帝紀

明

戊申太祖洪武元年六月海南海北諸道降太祖紀

十一月升瓊州為府屬廣東和通志繕廣東邊海

城堡華高自請行事竣至瓊州卒阮通志

癸未成祖永樂元年大旱舊志

甲申二年大旱六月蝗

乙丑七年大旱八月蝗令民捕之同上

癸卯二十一年秋八月瓊州颶風暴雨海水湧溢湮

沒廬舍孳畜居民溺死五十二人黃通志

甲寅宣宗宣德九年大饑白骨遍野黃通志

壬戌英宗正統七年秋八月辛丑雁集郡學泮池邱

濬有記記見藝文

戊寅天順二年夏四月九龍見於郡西雲數色浮之

少頃下縣署儀門盡毀絞死一婦屍肉分散轉

東北至白沙民吳振等家俱飄蕩時蜻蜓隨飛

者萬萬計俱同上

瓊山縣志 卷二十九

雜志二事紀

八

七月十六日颶風大發毀屋拔木牛馬俱倒聲

響如雷晝夜不息賈志

辛巳五年閏二月雨雹大如斗

丁酉憲宗成化十三年翰林學士邱濬修宋元續綱

目成郝通志

己亥十五年回祿為殃自城東門災延府獄各街巷

焚燒殆盡舊志

丁未二十三年夏禮部侍郎邱濬進大學衍義補郝志

志

己酉孝宗宏治二年西路一帶瘟疫流行死者甚眾

舊志

辛四年冬十月以禮部尙書邱濬爲文淵閣大學士參預機務同上

甲七年八月邱濬加少保戶部尙書武英殿大學士明史宰相表

乙八年二月少保大學士邱濬薨年七十六贈太傅右柱國諡文莊黃通志

丙九年八月涇洲都民詹廷縉家豕生象數日而斃同上

戊十一年十一月初昏有星自東南流於西北聲如雷蕭志

庚十三年春大旱秋大潦漂流民屋同上

瓊山縣志

卷二十九

雜志事紀

九

辛十四年閏七月颶風潮溢平地水高七尺五行志

壬十五年十一月黎賊作亂罷廣東採珠孝宗紀

癸十六年七月廣東官軍討黎賊敗之同上

甲十七年閏四月十七日城西北五色雲見經時五月初六日颶風大作八月復作淫雨不止水泛漲田禾俱損次年大饑蕭志

丙武宗正德元年二月西廂都下田村唐翺家寢室東產靈芝一本

乙六年郡城西南濠清數月
乙亥十年八月二十八日疾風自東北至瓊山溝澗田沼水隨風捲西南方一帶平地水深三尺坡

岸俱溢東北乾涸魚蝦堆積如陵俱同上

己卯十四年閏八月五色雲見於郡西明年三月又

見初輪囷上下二結須臾升合黑雲蓋其上白

氣射之亘天黃通志

庚辰十五年八月淫雨連月九月洪水漲溢房屋漂

蕩人畜溺死者千計環城民舍牆垣傾圯殆盡

蕭志

壬辰世宗嘉靖十一年十一月雷鳴是年大饑郭通志

癸巳十二年十月星隕如雨同上

甲午十三年六月沙崗賊黎物式郭志作黎佛二等聚眾千

餘攻劫營柵典史李士奇死之明典彙

瓊山縣志 卷二十九 雜志一事紀 十

熊出傷人歲饑蕭志

丙申十五年五色雲見郡城西光彩絢地同上

丁酉十六年白石鄉有石大如屋行數百步地成渠

轍郭通志

己亥十八年有星隕於新屯村田中化為石蕭志

辛丑二十年九月大風宮室毀壞草木摧折始盡是

歲大饑明年如期而作歲復饑郭通志

庚戌二十九年三月瓊州黎賊平世宗紀

丙寅四十五年春二月戶部主事海瑞上疏時事皆

人所不敢言下刑部錮之郝通志

冬十一月出戶部主事海瑞於獄復其官同上

丁卯 穆宗隆慶元年三月命大理寺丞海瑞祭南海

郭通志

瓊州郡堂產靈芝蕭志

壬申 六年大饑

壬午 神宗萬曆十年四月雷擊景賢祠柱

乙酉 十三年九月大雨連旬水勢如海漂流人畜以

萬計俱同上

丙戌 十四年饑發粟賑之神宗紀

丁亥 十五年秋八月南京右都御史海瑞卒贈吏部

尚書諡忠介郝通志

戊子 十六年五月十四日譙樓災焚火藥匠十二人

瓊山縣志 卷二十九

雜志一事紀

十一

蕭志

丙申 二十四年秋冬大旱斗米銀一兩八分民多饑

死舊志

丁酉 二十五年春饑疫大作同上

乙巳 三十三年五月二十八日亥時地震聲如雷官

民房舍塌倒殆盡郡城內死者數千人地裂沙

水湧出田地陷沒者不可勝紀調塘等都田沉

成海千頃次日午時復大震數日乃止蕭志

丙午 三十四年冬大寒百物凋落六畜凍死舊志

戊申 三十六年歲大饑民多流離同上

辛亥 三十九年彗星見南方蕭志

丙辰四十四年颶風大作壞屋拔木殆盡

丁巳四十五年五月初二夜有星光如電自西北墜
東南

戊午四十六年三月初四旱禱未時有雲從西南至

雨皆霑大如雞卵申時方止

丁卯熹宗天啟七年九月霜降後颶風大作推屋折
木瓊人謂之鐵颶

戊寅十一年七月雷擊文廟石柱十一月天將曉有

紅光大如斗自北流南散為長芒者三炬光影

射聲如洪濤俱同上

國朝

瓊山縣志

卷二十九

雜志一事紀

十二

丁亥順治四年二月總兵官閔可義等入瓊州百姓

郊迎安堵遂定瓊州郝通志

己丑六年定安黎賊馬躑根李花臉大掠瓊澄定諸

縣

辛卯八年五月雷震府學殿前柱及縣學前柱府學

鐵香爐失所在縣學石香爐撒於泮池舊志

壬辰九年春二月設瓊州總兵官郝通志

瓊屬大饑斗米銀三兩死者不可勝紀以時遭

寇盜蹂躪田荒民耗為向來所未有蕭志

癸巳十年春五色雲見

秋七月十六日風雨交作連三晝夜河水大漲

居民濡溺無數同

乙未十二年嚴洋禁海船無號票文引及私製二桅

以上大船往外洋貿易者俱置重典郝通志

丙申十三年大饑饑民輾轉溝壑知縣周宗奉巡道

林嗣環命施粥賑之蕭志

己亥十六年夏四月朔夜半有白氣自海濱起直抵

北方其光如電將入雲際聲震如雷久之乃止

舊志

庚子十七年申嚴洋禁海濱雙桅沙船不許民間私

造違者視通賊律郝通志

辛丑十八年土賊陳仔集黨劫掠村舍總兵高進庫

瓊山縣志

卷三十九

雜志一事紀

十三

統兵進剿平之蕭志

壬寅康熙元年遷沿海居民令徙內地五十里振貧

民之不能遷者郝通志

七月西湖傍小池產並蒂蓮舊志

甲辰三年秋八月裁瓊州府推官郝通志

冬十一月彗星見長亘天其色白經月乃滅舊志

戊申七年春正月郡西南白氣宵見經旬乃滅

辛亥十年申嚴洋禁其餘地方止令木筏捕魚不許

小艇出海郝通志

大有年

壬子十一年閏七月颶風凡六作二十七日尤甚官

民廬舍傾圮郡學櫺星門石柱摧折城垣塌十
五丈雉堞全墮拔木淹禾十三州縣同時被災

蕭志

甲寅十三年颶風大作海水漲溢漂没人畜房屋無

算是年大饑

蕭志

乙卯十四年春三月地生白毛長寸餘

蕭志

設瓊州水師副將於海口所

郝通志

丙辰十五年始命廣東提學道渡海考瓊州府歲科

兩試

檣柵

丁巳十六年秋九月初五夜地震十九初昏星隕大

如毬橫飛亘天

蕭志

瓊山縣志

卷二十九

雜志一事紀

十四

黎賊那又那嘎等作亂僉事范養民督鄉兵進

剿那又那嘎皆就撫

蕭志

戊午十七年春三月白氣環日地震夏大風雨

蕭志

黎賊楊鬍子等糾結海寇楊二謝昌掠海口城

蕭志

己未十八年裁瓊州府通判

郝通志

庚申十九年夏四月地震秋大風雨冬白氣燭天三

旬乃滅

蕭志

辛酉二十年春二月海寇楊二謝昌攻海口城據之

郡城戒嚴

蕭志

三月順德總兵官蔡璋虎門副將張諭自省城

統水師渡瓊賊大半解散餘黨遁入黎盤踞數月始平同上

秋七月啟明星晝見地震蕭志

旱饑自五月不雨至明年二月斗米銀二兩

壬戌二十一年春二月饑大疫作死者載道巡道程

憲知府佟湘年詳請糶賑俱同上

癸亥二十二年秋七月裁分巡雷廉道歸分巡瓊州

道改為雷瓊道赫通志

召民墾荒總督吳興祚上言海氛既靖荒土宜

墾從之同上

冬十一月地震蕭志

瓊山縣志卷二十九

雜志一事紀

十五

甲子二十三年二月展開洋禁以海氛永靖開復原

額魚課并許各海口貿易赫通志

冬十一月雨雪卉木隕落椰榔枯死過半蕭志

乙丑二十四年夏六月颶風屢作城垣屋宇傾圮夏

秋間禽獸鱗介肉腹皆生蟲如蝨而細鴨卵亦

生蟲舊志

丙寅二十五年冬十月大雨同上

丁卯二十六年五月望日郡西北藍氣亘天六月十

一日郡有物自城中飛出如縷如絲又一物如

雞卵繫其中俄而附屋宇俄而附樹木飛遊靈

山數處不知所之蕭志

瓊屬等邑自康熙十九年至二十七年積欠正
供七萬一千九百兩有奇皆係丁逃地荒巡撫

朱宏祚題請蠲免

郝通志

己巳二十八年春正月地震三月復震

蕭志

夏瓊州鎮總兵吳啟爵剿平喃嘮諸崗開十字

人路

賈志

秋七月紅氣繞日冬十一月彗星見東南經旬

乃滅

舊志

壬申三十一年大有年

癸酉三十二年冬十二月赤星見東方白氣見南方

甲戌三十三年大有年

瓊山縣志

卷二十九

雜志一事紀

十六

乙亥三十四年元旦雷鳴

戊寅三十七年夏五月颶風壞民廬舍

己卯三十八年夏三月旱饑地震冬十一月黎人王

振邦作亂

辛巳四十年大旱歲饑副使黃國材詳請賑之

俱同上

壬午四十一年彗星見地震

蕭志

癸未四十二年春大疫冬天雨霧如霜着樹皆萎檳

榔死者過半

同上

丙戌四十五年夏改提學道為學院

郝通志

丁亥四十六年春三月大雨雹小者如拳大者如盤

海外罕見

舊志

冬十月明倫堂海棠放花知縣王贊有記見藝文

壬辰五十一年饑斗米銀四錢有奇舊志

酉配雍正七年夏四月以瓊山縣縣丞移駐海口所

總督孔毓珣奏海口城商賈絡繹烟火周密奸

民易溷請將瓊山縣丞移駐稽察從之郝通志

冬十月恭居

萬壽聖節百官公所祝釐陵水縣生黎三百四十八人

焚香叩首歡呼萬歲

庚戌八年春三月十八日五色祥雲見巡道王蟠有

賦總督郝玉麟奏聞 優詔報之見藝文

命內外洋大小商船書刻地方字號及船戶姓

瓊山縣志 卷二十九

雜志 事紀 十七

名從浙江總督李衛之請也俱同上

乙卯十三年大有年斗米錢六十文

未乾隆四年夏六月颶風淫雨連日不止覆溺商

民船隻無數兵民房屋多被淹倒知縣杜兆觀

詳請賑恤蕭志

辛酉六年八月颶風大作船隻房屋多損傷知縣江

日暄詳奏賑恤

乙丑十年颶風作

癸酉十八年颶風大作廟宇民房多傾圮

丙子二十一年大有年斗米錢七十文

己卯二十四年五月十六日天雨黃著衣浣之不去

入秋人多疫

乙酉三十年夏五月海口火藥局猝有聲如雷廬舍
礮位輒冲飛立盡屋址凹陷

秋八月十五日午時日華旁有五色

丁亥三十二年秋八月二十二日有龍起東方經郡

西南歸於海所過處火星相隨大樹民房多被
掃壞

戊子三十三年夏六月颶風大作 文廟城樓俱為

摧倒民房傷毀甚多白沙港內船傷百餘隻

秋七月二十二日午時慶雲見於郡城東南

己丑三十四年米價昂貴

瓊山縣志

卷二十九

雜志一 事紀

十六

壬辰三十七年冬十月初六日大水俱同上

乙未四十年夏五月初四日黃昏有星大如鷺卵自

西北徑飛東南其光燭地張志

戊申五十三年夏大旱秋大水

己酉五十四年大饑

己未嘉慶四年夏四月大水

庚申十五年五月總督百齡督師擒獲海賊烏石二

等礫之海氛悉靖

辛未十六年九月彗星見月餘乃滅

辛巳道光元年大疫

甲申四年夏四月星八月宮郡屬旱蟲大饑 自三

年九月至四年八月郡屬久遭旱災蝗蟲漫天
遍野所過禾麥一空餓莩載道鬻男女渡海者
以萬計巡道周鳴鸞給照令商民各處糴米來
濟知縣于學質開倉平糶九月後米價漸平

甲十四年秋八月地震

丙十六年三月雨雹

秋嘉禾生一莖生雙穗或三穗四穗是年晚稻

豐登

俱同上

配二十九年大疫三十年復疫郡城海口尤甚

雜志志二 藝文書目

經目

學易疑義二卷

朱彞尊經義考作三卷

明鍾芳撰見黃泰

泉廣東通志

易說

明鄭廷鵠撰見阮元廣東通志

廣易通二卷

明許子偉撰見經義考

春秋集要十二卷 明鍾芳撰

欽定四庫全書提要是書以集要為名故文殊簡畧中

間如謂春王正月為建子謂桓公三年書有年

非紀異謂襄公二十八年書衛侯衍非俟其改

過謂昭公元年書敗狄於鹵非譏毀車崇卒陳

瓊山縣志 卷二十九

雜志二書目

二十

烈序稱其攢前人之所不發

春秋說

明鄭廷鵠撰見郭棐廣東通志

禮說

明鄭廷鵠撰見郭通志

射禮儀節一卷

明邱濬撰見黃泰泉通志

家禮儀節八卷

黃通志作四卷

明邱濬撰

欽定四庫全書提要是書取世傳朱子家禮而損益以

當時之制每章之末又附以餘註及考證如所

稱文公家禮五卷不聞有圖今刻本載於卷首

而不言作者多不合於本書通禮曰立祠堂而

圖以為家廟一也深衣緇布冠梁包武而屈其

末圖則安梁於武之上二也本文黑縷而圖下

注用白三也喪禮陳設衣有深衣等物而不用儀禮質殺二冒圖乃陳之四也本文大斂無布絞之數而圖有之五也大斂無棺中結絞之文而圖下注則結於棺中六也尺式圖下載天台潘時舉說未識歲月曰嘉定癸酉距文公沒時慶元庚申十有三年矣豈可謂文公作哉或曰信如此言圖固非朱子作何以祠堂章下有主式見喪禮及前圖八字愚按南齋舊本於立祠堂下註圖外止云主式見喪禮治墓章並無見前圖云云其辨證頗明

家禮存羊儀節 明曾應唯撰 阮通志應唯嘗

瓊山縣志 卷二十九

雜志三書目

二十一

構儀方堂講修身齊家大義

四禮集童訓 明王時元撰見郝玉麟廣東通志
戴記講意 明邱承箕撰見阮通志

學思子中庸孟子衍義 明林士元撰見經義考
小學廣義 明鍾芳撰見獻徵錄

讀經錄讀經附錄 明林士元撰見經義考
讀書鈔 明李應和撰見郝通志

編正信都芳樂義七卷 明薛遠撰見黃通志
琴瑟譜三卷 明汪浩然撰

欽定四庫全書提要第一卷言琴瑟之制以及圖說指法下二卷則各分諸調其自序謂與其子合奏

之蓋以專門世業故言之特詳也

八音摘要二卷 明汪浩然撰

欽定四庫全書提要是書凡二十五目上卷自歷代樂
議旋相爲宮議以下爲十五目下卷分別八音
及舞圖歌譜爲十目

史目

世史正綱三十二卷 明邱濬撰 王士禎池北

偶談稱其議論嚴正 胡應麟史學佔筆稱春

秋之後有朱氏而綱目之後有邱氏陶輔桑榆
漫志稱義嚴理到括盡幽隱深得麟經之旨

欽定四庫全書提要是書本明方孝孺統釋之意專明

瓊山縣志

卷二十九

雜志二書目

二十一

正統起奏始皇帝二十六年迄明洪武元年以
著世變事始之所由於各條之下隨事附論

瓊海方輿志二卷 元蔡微撰見黃通志

瓊臺志二十卷 明唐胄撰 胄自序畧云志史

事也例以史而事必盡乎郡如地切倭岐而述
海道黎情之詳急討禦而具平亂兵防之備隱
逸附以耆舊不遺善而且以誘善罪放別於流
寓不混惡且因以懲惡田賦及於雜需額役以
書民隱紀異及於災異禎祥以顯天心首表以
括邦綱殿襍以盡鄉曲非徒例史以備事而且
欲倣史以寓義

瓊志藁 明鄭廷鵠撰見郭通志

江閩湖嶺都臺志 明唐胄撰見阮通志

柳城志 明吳誠修郭通志誠初授柳城教諭修

柳城志

都臺志 明吳誠修郭通志誠遷贛州教授修都

臺志

漳州志 明陳大章修見楊宗秉縣志

白鹿洞志十九卷 明鄭廷鵠撰 廷鵠自序志

成凡十篇計十有九卷志山川者什二志書院者什八馬錫跋其事具書院之事其要闡明道教之統也

瓊山縣志

卷二十九

雜志二書目

三三

續古今紀要十卷 明鍾芳撰見黃通志

鹽法考畧一卷錢法纂要一卷 明邱濬撰阮通

志案二書即大學衍義補中之兩篇然既專刻以傳不得不別爲著錄

本草格式 明邱濬撰見瓊臺會藁

醫史 明邱敦撰黃通志敦酷嗜素問著醫史其

運氣表曰運有五金木水火土是也氣有六燥暑風濕寒燠是也其三因說曰病有三因因於天因於地因於人豈但內因外因不內外因而已言皆有補於世

淳安政事稿 明海瑞撰揣擢淳安知縣自令丞

簿尉師儒鄉老吏胥皆有參評名曰淳安政事稿

諫垣錄 明許子偉撰見郝通志

子目

大學衍義補一百六十卷 明邱濬撰濬自序畧大學一書聖人立之以爲教人君本之以爲治士子業之以爲學而用以輔君建安真德秀取經傳子史之言以填實之各因其言以推廣其義名曰大學衍義其所衍者止於格物致知誠意正心修身齊家竊仿真氏所衍之義而於齊家之下又補以治國平天下之要其爲目凡十

瓊山縣志

卷二十九

雜志三書目

三

有二曰正朝廷曰正百官曰固邦本曰制國用曰明禮樂曰秩祭祀曰敷教化曰備規制曰慎刑憲曰嚴武備曰馭夷狄曰成功化先其本而後末由乎內以及外而終歸於聖神功化之極前書本之身家以達之天下此編又將以致夫治平之要以收夫格致誠正修齊之功補其畧以成其全故題其書曰大學衍義補云

欽定四庫全書提要濬以宋真德秀大學衍義止於格致誠正修齊而闕治國平天下之事乃採經傳子史輯成是書附以已見分爲十有二目於孝宗初奏上之有詔嘉獎命錄副本付書坊刊行

至神宗復命梓行親爲製序蓋甚重其書也夫治平之道其理雖具於修齊其事則各有制置眞氏原本實屬闕遺濬博綜旁搜以補所未備兼資體用實足以羽翼而行且濬學本淹通又習知舊典故所條列元元本本貫串古今亦復具有根抵

朱子學的二卷 明邱濬撰

欽定四庫全書提要是編上卷分下學持敬窮理精蘊須看鞭策進德道在天德章齋等十篇下卷分上達古者此學仁禮爲治紀綱聖人前輩斯文道統等十篇蔡衍焯序曰上編自下學以至天

瓊山縣志

卷二十九

雜志書目

三五

德由事而達理而終之以章齋所以紀朱子之生平言行猶論語之鄉黨也下編自上達以至斯文由理而散事而終之以道統所以紀濂洛關閩之學之所由來猶論語之有堯曰也

孔子世家顏子列傳討論 明林士元撰見郭通志

皇極經世圖續 明鍾芳撰阮通志鍾筠溪家藏集第二十二卷所推起宋神宗迄明嘉靖今附於文集中云

發冢論 明邱敦撰黃通志敦時見李廣輩將復成化故事作此以功宦者蓋取莊子詩禮發冢

之義設爲甲乙辯詰之辭敦既卒其友蔣冕爲之序其書以行於世

養生舉要五卷 明鍾芳撰見黃通志

敦仁編 明許子偉撰見郭通志

瓊州三祠錄 明唐胄撰胄自序畧仰止祠在郡學祀王公義方以下四十人至於崇德以勸士先賢祠在道右祀路公博德以下十九人至於報功以慰民皆舉於有司者也景賢祠在郡西北祀蘇公軾邱公濬二人至於著述以憲後奉於朝廷者也

元祐黨人碑考一卷 明海瑞撰

瓊山縣志

卷二十九

雜志二書目

二十六

欽定四庫全書提要案元祐黨人碑載於李心傳道命錄馬純陶朱新錄者互有異同茲則專以道命錄爲主其闕者則以他書補之故所錄人事較他書爲多如曾任執政之黃履張商英蔣之奇曾任待制之張巖岑象求周鼎以下十餘人皆他本所未載者搜羅可謂博矣

集目

海瓊白玉蟾先生文集十卷 宋白玉蟾撰明臞

仙序見黃通志

海瓊摘稿六卷 明唐胄撰見阮通志

截山詠史集二卷 明王惠撰見黃通志

嶺南聲詩鼓吹集十卷 明王惠撰見黃通志

瓊臺類稿七十卷 明邱濬撰明志五十二卷詩

十二卷鄭廷鵠輯本十二卷

重編瓊臺會稿二十四卷 明邱濬撰

欽定四庫全書提要濬文集世不一本初其門人蔣冕等刻其詩曰吟藁續又哀其記序表奏曰類藁嘉靖中鄭廷鵠合二藁所載益以所得寫本釐為十二卷名曰會稿天啟初其裔孫爾毅遴類藁十之二增會藁十之三并吟藁合刻曰重編會藁即此本也雖不及類藁會稿之完備而簡汰頗嚴菁華俱在足以括濬之著作矣

瓊山縣志

卷二十九

雜志三書目

二十七

螿庵集 明王宏撰

古愚集 明李珊撰見牛天宿府志

竹溪集 明梁繼撰見牛府志

虛庵集六卷 明陳實撰見阮通志

西洲存稿 明唐胄撰見獻徵錄

鍾筠溪家藏集三十卷 明鍾芳撰

欽定四庫全書提要瓊州府志載芳詩文集二十卷此集文二十四卷詩六卷與志不符蓋志誤三為二也第二十卷第二十一卷為讀書札記第二十二卷為皇極經世圖續所推起宋神宗迄明嘉靖第二十三卷為雜著第二十四卷為怡情

要覽蓋皆各自爲書者附編於文集中云
林舜卿文集十卷 明林士元撰見郭通志

北泉論草 明林士元撰見郭通志

雁峯集百餘卷 明吳誠撰見郭通志

事軒摘稿一卷 明張子翼撰見阮通志

備忘集十卷 明海瑞撰

欽定四庫全書提要案明志載海瑞文集七卷

國朝廣東鹽運使故城賈棠與邱濬集合刻者止六
卷是編載海瑞所行條式申參之文最爲全備
乃康熙間瑞六代孫廷芳重編原跋云共一十
二卷分爲十冊今考此本冊數與跋相合然每

瓊山縣志

卷二十九

雜志三書目

二十六

冊止一卷實止十卷較原跋尙闕二卷未喻其
故也瑞平生學問以剛爲主故自號剛峯其入
都會試時卽上平黎疏爲戶部主事上治安疏
艱直無隱觸世宗怒下詔獄然世宗覆閱其疏
亦感動太息至擬之於比干後巡撫應天銳意
興革裁抑豪強惟以利民除害爲事其孤忠介
節實人所難能故平日雖不以文名而所作勁
氣直達侃侃而談有凜然不可犯之概當嘉隆
間士風頹沓之際切墨引繩振頑醒瞶誠亦救
時之藥石也滌穢解結非大黃芒硝不能取效
未可以其峻厲疑也

藿膾集 明鄭廷鵠撰見郭通志

蘭省掖垣集 明鄭廷鵠撰見郭通志

學臺集 明鄭廷鵠撰見郭通志

石湖集 明鄭廷鵠撰郭通志廷鵠遷江西參政

以母乞歸築室石湖著書自娛

自新遺稿 明陳天然撰見阮通志

水齋集 明李應和撰見阮通志

潯懷集 明王汝為撰見郝通志

存塾稿 明王汝為撰見郝通志

撫絃餘韻 明王汝為撰見郝通志

滄浪集 明梁必強撰見牛府志

瓊山縣志

卷二十九

雜志三書目

卷二十九

居業集 明柯呈秀撰見牛府志

雜志三 金石

東潭石巖字

粵東金石畧瓊山縣東潭都石巖下有平石深

及丈左刻云貞元二年缺四字八月丁卯僧缺四字

鑿為記缺四字光法名無我以下不可辨右刻熙

寧甲寅秋九月中休俞城率王憲自梁叙同遊

男缺二字書阮通志

馮公墓碑

在瓊山縣宣德間村人耕陶公山下掘地見石

碣刻云大唐賜紫金魚袋馮公之墓翰林學士

李吉甫撰文黃通志

瓊山縣志 卷三十九

雜志三金石

二十九

乾亨寺鐘銘

輿地紀勝瓊州乾亨寺鐘在開元寺有南漢乾

和九年鐘銘阮通志

伏波將軍廟碑記

輿地紀勝東坡文○廟在郡城北六里龍岐村

宋建祀漢二伏波將軍蘇軾撰廟記與雷州同

據黃通志修

惠通泉碑記

瓊州之東五十餘里有三山庵庵下有泉味類

惠山泉東坡居士過瓊庵僧惟德以水餉焉且

求為名名之曰惠通元符三年六月十七日記

據黃通志修

浮粟泉字

粵東金石畧泉在瓊州府城東北隅二里許府志卽指爲蘇文忠雙泉之一舊有洞酌亭今爲蘇祠祠有石刻公像泉上一石勒浮粟泉三字云公書阮通志

東坡二詞碑

石碑二通刻行香子臨江仙二詞末題東坡居士書粵東金石畧云二詞乃黃州雪堂所鐫後一總戎摹來刻於此張志

金粟泉碑文

瓊山縣志

卷二十九

雜志三金石

三十一

明萬曆間郡守翁汝遇禱雨於金粟庵喜泉味甘美因重建粟泉亭掘地得一磚上刻云洩盡先天秘口修來世身若思逢故友二姓草頭人旁有東坡行草書跡翁珍之遂攜去

宣和御碑

碑高七尺有奇在郡北郊外三清觀中字皆正書徑寸餘前刻云神霄玉清萬壽宮詔御製御書宣和元年八月十二日奉聖旨立石

瓊州華遠館題壁

輿地紀勝李丞相綱以建炎二年自澧州移萬安軍十一月二十有五日晚渡次瓊管後三日

祇奉德音聽還以十二月五日北歸寓華遠館
凡十日載惟自唐以來宰相有罪謫海上多矣
得生還者以一二數又皆積年始內徙而今者
往返曾不踰旬天恩寬大感極而繼之以泣云
威武廟碑陰記

輿地紀勝李綱文故翰林蘇公謫儋耳既北歸
作漢伏波將軍廟記迨今逾三十年未克建立
綱以罪謫居萬安遣子宗之攝祭默禱於神異
時儻得生還當出蘇公所作碑刻石廟中以答
神貺時建炎三年俱同上

瓊州學記

瓊山縣志

卷二十九

雜志三金石

三十一

朱晦翁作見晦翁集輿地紀勝學舊有朱子記并書

明倫堂匾粵東金石畧國朝乾隆三十八年郡守

蕭應植重書朱子學記張志鑿石鐫刻張志記見藝

文

慶元創小學碑記

粵東金石畧瓊州通守劉公創小學記慶元丁

巳中夏朝奉大夫前權知瓊州軍州瓊管安撫

都監溫陵莊方記張志

瓊州府學大宋平黎頌碑

粵東金石畧紹定四年瓊山黎賊王居起為亂
明年出師又明年平之承議郎通判瓊州軍州

兼管內勸農桑事借緋游寵進頌三十一章并

序阮通志

乾寧儒學置書碑

其碑首云乾寧儒學置書記末云至正十一年

辛卯學錄廬陵羅益中撰從仕郎海北海南道

都元帥府都事宋汝弼書粵東金石畧

瓊漿井石柱題刻

在瓊山縣南郊舊學東洪武間教諭趙謙浚刻

云歲壬申閏甲申鑿斯井泉汙汙德日積用日

新養不窮千萬年考古銘告後人張志

郡城隍廟銅鐘

瓊山縣志卷二十九

雜志三金石

三十二

舊在衛譙樓上後樓廢移度城隍廟內欵鑄大

明正統元年海南衛指揮僉事信官張玉石玉

等仝瓊州府知府程瑩捐資鑄造計重二千三

百二十觔鐘高五尺周身鑄有八卦紋

重建天寧寺碑記

在郡城北一里欵云賜進士出身文林郎行在

河南道監察御史致仕七十八翁瓊山唐舟撰

文鄉貢進士廣西柳州府武宣縣儒學教諭瓊

山吳昊篆額瓊生伍喜書丹見藝文

重修學廟記

天順七年歲舍癸未孟夏之吉教授三山朱珪

撰舉人婁琮書張志

宣宗御製洪範叙碑

在瓊山縣學明倫堂末書云右宣宗章皇帝御製洪範叙凡三百七十六言臣棐拜手稽首敬書而勒之貞珉成化壬辰春既望中憲大夫廣東等處提刑按察司副使臣涂棐謹志見藝文

府學宮大方碑朱子詩刻

碑四方廣各二尺有奇高七尺字大二寸許皆隸書欵字差小正書欵云右晦庵朱子齋居感興詩成化癸巳冬十有二月甲子賜進士第中憲大夫廣東按察司副使豐城涂棐伯輔書在

瓊山縣志卷二十九

雜志三金石

三十三

府學宮內今為雁峯書院詩見藝文

府學射圃碑記

成化七年副使涂棐闢射圃郡人邢宥有記見藝文

府學祭器碑記

成化辛卯廣東按察副使涂棐市銅鳩工博考古圖像按其制製之其為器爵百四十而奇一籩七十有二豆如籩之數簠簋各四十有四鉶十有二登五尊三總其凡三百九十有三郡人

邱濬有記見藝文

藏書石室碑記

在府學明倫堂後邱濬有記見藝文

桐墩書院碑記

正統間貢士陳文徽建令鄉子弟講學學士劉

儼撰記見藝文

瓊山學碑記

學士邱濬撰文見藝文

瓊州府儒學記

順德張泰撰文見藝文

大學士邱文莊公墓碑

宏治八年春三月初二日

皇帝遣禮部尚書倪岳諭祭於故光祿大夫少

瓊山縣志卷二十九

雜志三金石

三十四

保兼太子太保戶部尚書武英殿大學士邱濬

曰惟卿早擢高科歷事累朝博學能文名聞允

昭簡在朕心置卿近密入告謀猷每多裨益胡

為嬰疾竟爾告終爰念在勞深測予衷特頒卹

典有贈有諡給驛還喪并賜塋祭君臣義篤終

始克全卿靈如在其歆鑒焉張志

特贈諡策文碑

宏治八年春三月十二日奉

天承運皇帝制曰朕為贊幹化機必資考壽訏

謨治道須藉博聞故既優其請老之期而復厚

以恤終之典故光祿大夫在國少保兼太子太

保戶部尙書武英殿大學士邱濬海邦間氣翰苑名流績學羣經留心庶務久居清秘晚佐鈞衡官八轉而至三孤於今爲重壽七旬而加五歲在古尤稀方深倚任之懷弗聽歸休之請踰年賜告一旦云亡天不憖遺朕殊傷悼茲特贈太傅特進左柱國謚文莊於戲朝以爵鄉以年並繫一時之望官有贈行有謚永貽百代之榮不朽者存尙其歆服

又諭祭碑

宏治八年春三月十四日

皇帝遣禮部左侍郎徐瓊諭祭故光祿大夫柱

瓊山縣志

卷二十九

雜志三金石

三十五

國少保兼太子太保戶部尙書武英殿大學士贈太傅特進左柱國謚文莊邱濬曰卿以文學擢居重任方切倚毗遽云長逝中心悼傷其何能已茲臨三七特用遣祭卿靈不昧庶其歆享

俱同上

大學士邱文莊公神道碑

刑部尙書何喬新撰文

黃通志

重建海口觀音堂記

碑在海口觀音堂欸云賜從一品服進士出身奉勅提督軍務奉政大夫廣西按察司僉事前監察御史瓊臺李珊撰文奉政大夫直隸太平

府同知李昌書時宏治七年歲在甲寅冬十月
望日記張志

懷沙亭碑記

在郡城西十里小英村樂古書院內碑高五尺
濶二尺許正書字大寸許書跋差小

陳獻章啟病寄邱園老去惟有歲月耳足下何
稽畀之歌詞况於書札玩好往往使人喪志足
下反爲之增價邪感忤感忤細葛二端專使千
里老朽何德以堪之從事言足下發此書特履
任後一二日也足下修古循良之政以及海濱
之民是在足下周憲長平生故人何由復見之

瓊山縣志

卷二十九

雜志三金石

三十六

李世卿卽日還武昌今少留白沙此紙托世卿
爲書訃終言不能悉宏治丁巳二月十二日孤
哀子陳獻章稽顙海北汪大人足下

右書乃白沙陳先生所惠者廷貞公寓海外瓊
郡過儋一遊載酒堂旣而兀坐便覺岑寂忽使
自舶來持先生此書拜覽喜甚超然不知寄萬
里一身於炎荒瘴海也豈但賢於十部從事邪
適立沿海諸場社學以教俊秀因小英偶築一
亭名曰懷沙錄書刻石蓋志不忘先生教愛且
使海外之人共仰先生純德卓行有以感慕興
起其於世教豈小補也哉脫爲燕游詩酒之場

謀利計功之學以徇乎流俗固非名亭仰高自勵之心抑非區區之所望於吾人也或曰先生淳古之士非子敢希若然是誠自暴棄而終不可以語道矣又竊以自釋石首西所汪廷貞謹書

張志

先賢祠碑記

在海南道右卽醫學舊址祀郡守王伯貞徐鑑李東陽撰文

黃通志

瓊州府科第題名碑記

在郡學明倫堂款云賜進士出身中奉大夫江西布政司右布政使黃芳撰文賜進士出身中

瓊山縣志

卷三十九

雜志三金石

三十七

憲大夫雲南按察司副使唐胄書丹賜同進士出身奉政大夫福建按察司僉事曾鵬篆額上半碑鐫記下鐫歷科題名自洪武十七年甲子至嘉靖十年辛卯凡四百零七人後云瓊州府知府林有祿同知通判教授等立

張志

瓊州府社學碑記

在郡明倫堂款云通議大夫詹事府詹事兼翰林院學士南海霍韜渭光撰文嘉議大夫南京兵部左侍郎郡人黃芳仲實書丹中奉大夫廣西左布政使郡人唐胄平侯篆額嘉靖十一年歲次壬辰冬十月朔吉瓊州府同知柳邦傑推

官曾鶚府教授梁文重訓導陳廷鳳陳經緯等立

大明平黎碑記

在郡明倫堂嘉靖十四年龍集乙未冬十一月

朔旦立賜進士出身通議大夫致仕戶部右侍

郎郡人鍾芳仲實撰俱同上

重修趙考古墓碑記

在瓊山縣之東南隅唐胄重修記見藝文

侍郎唐胄墓誌銘

在瓊山縣東南五十里陶公山侍郎鍾芳撰文

黃通志

瓊山縣志

卷二十九

雜志三金石

三十八

太常寺卿夏昇諭葬碑

御賜酒一壘遣參議賀泰諭祭於南京太常寺

卿夏昇曰惟爾性質敦篤操履清勤發跡賢科

歷官郎署擢司符璽繼轉留都尋陟鴻臚以憂

去位雅懷恬靜懇乞歸休特晉清卿俾全晚節

胡為一疾遽爾長冬訃音來聞良用悼傷爰頒

諭祭庸爾卹恩靈其有知尙克歆服黃通志

御史陳實墓誌銘

在陶公山侍郎邵寶撰文黃通志

告宗族書碑記

在郡明倫堂碑文不錄末刻嘉靖三十二年孟秋之

吉知瓊州府事廬陵後學張子宏頓首拜撰張志
重刻蘇東坡洞酌亭詩并引碑

在郡城內東北隅東坡井旁萬曆八年歲次庚辰七月穀旦賜進士第中憲大夫知瓊州府事西蜀唐可封謹識同知楊繼文通判黎九齡立石

重建鼓樓碑記

在郡城鼓樓上款云瓊州府重建鼓樓記賜同進士出身中憲大夫廣東按察司副使臨汝胡桂芳撰未云萬曆丁酉仲秋吉旦瓊州府同知經仁本通判何自謙推官吳洪績同立

瓊山縣志

卷二十九

雜志三金石

三十九

海忠介公墓碑

萬曆十五年歲次丁亥秋八月二十五日

皇帝遣禮部左侍郎沈鯉諭祭於南京都察院右都御史贈太子少保兼吏部尚書諡忠介海瑞曰惟卿高標絕俗直道禔身視斯民由己饑寒恥其君不爲堯舜矢孤忠而叩闕抗言增日月之光出百死以登朝攬轡勵澄清之志迨起家於再廢乃浹歲而三遷巖石具瞻卓爾舊京之望素絲無染哀然先進之風綜銓務而議主懲貪領法臺而政先釐弊若金在冶百鍊彌堅俟河之清九泉莫及特頒塋祭爰賁始終卿靈

不昧其歆鑒焉

瓊州府科第續題名碑記

在郡明倫堂款云南京禮部尙書定邑王宏誨
撰文南京戶部主事郡人林震書丹行人司行
人許子偉篆額萬曆十八年歲在庚寅仲夏之
吉題名自嘉靖十三年至萬曆十六年凡十九
科八十六人

漢兩伏波廟祠碑記

在郡小北門外伏波廟中款云萬曆三十四年
孟夏吉旦海防劉總兵溫陵鄧鍾立

清惠亭石刻

瓊山縣志

卷二十九

雜志三金石

四

在郡城北五里亭款云萬曆戊申年瓊州府知
府倪棟題內有石柱刻聯云心如水德如風到
處陽春原有脚渴者飲勞者息因民樂利本無
心又云過海天增潤看雲路不迷相傳皆倪郡
守筆跡

倪公井銘

在清惠亭旁其銘云雲無噴玉洞天流瓊味兼
四美德配八功誰爲此耆東越倪公爰鑿渾池
載開鴻濛

昌明塔石刻

在郡城東北三里下窰村款云萬曆三十八年

歲次庚戌季冬吉旦瓊州府知府翁汝遇同知
李夢麟通判朱大經推官危純中鼎建

重建天寧寺碑記

萬曆四十年歲次壬子陽月吉旦賜進士第資
政大夫南京禮部尚書前太子賓客兩京吏禮
兩部左右侍郎兼翰林院侍讀學士會典副總
裁經筵講官郡人王宏誨紹傳甫撰

改建兩伏波祠碑記

在郡北郊演武亭西欸云萬曆丁巳重陽日賜
進士第中憲大夫廣東等處提刑按察司分巡
海南道奉勅整飭兵備兼提督學校副使閩漳

瓊山縣志

卷三十九

雜志三金石

十一

戴燿頤首記瓊州府歐陽燦同知李鳴陽推官
傅作霖瓊崖叅將何斌臣海南衛指揮王蓋李
開永王燦斗李宗定崔宗應高□□張國勳張
德容全立額書漢兩伏波將軍祠記八篆字
見藝文

瑞雲橋碑銘

在郡城南門外卽南橋也銘云維橋之南山房
水渦建自趙宋長虹卧波地震傾圯年所歷多
歐陽郡侯步禱經過諭募修築鞭石填河告竣
不日輿徒式歌昭哉明德千載不磨凡七行行
八字下刻同修姓名惟知府歐陽燦通判俱夢

騮數字尙明

按瓊喜雨碑記

在郡城內東坡庵肯崇禎十二年歲次己卯夏

吉旦欽差巡按廣東監察御史李雲鴻記俱同上

東湖潘天仙勅封孚惠伯碑記

乾隆四十二年知瓊州府事蕭應植撰册訪

府學宮銅鼓

其製若圓墩而空其下高尺有四寸四圍八尺

六寸兩旁綴耳高可二寸滿鼓回字花紋極工

綴面平周銜線抵臍凡八圍每圍線三條身凡

二十一圍每圍如面之線張

瓊山縣志

卷三十九

雜志三金石

聖

天寧寺銅鼓

欸云大明成化十二年廣州府番禺縣客人李

福通鑄造同上